



n° 2685

Fernand ETGEN  
President vun der  
Deputéiertechamber  
19, um Krautmaart  
L-1728 Lëtzebuerg

REÇU  
Par Alf Christian, 11:11, 19/08/2020

Lëtzebuerg, den 19/08/2020

**Här President,**

**Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Sozialversécherung weiderzeleeden.**

Den 10te Juni 2020 huet *McKinsey* zesumme mat *Google* een Diskussiounspabéier publizéiert mam Titel "The future of work in Europe", deen op Basis vun den NUTS-3 Regiounen den Aarbechtsmaart analyséiert. Lëtzebuerg gouf am Kader vun dësem Rapport als en "Superstar Hub" klassifizéiert a kéint vun engem Wuesstemspotential vun 13,7% nei Aarbechtsplazen tëscht 2018 an 2030 ausgoen.

Am Gesetzesprojet n° 6387 hat d'Regierung deemools virausgesot, datt, fir eise Pensiounssystem ze stabiliséieren, den Emploi all Joer ëm 1,5% misst klammen. De Rapport vu *McKinsey* geet elo awer just vun 1,14% pro Joer aus an dat ouni den Impakt vun der Corona-Kris ze bezifferen. Trotzdeem soen seng Auteuren, datt op den Horizont 2030 d'Projektiounen trotz der Kris misste stëmmen.

An deem Zesammenhang wéilt ech dem Minister dës Froe stellen:

1. Wéi een Impakt op de Pensiounssystem hätt eng Croissance Moyenne vun 1,14% amplaz 1,5% während deenen nächsten zéng Joer?
2. Am Rapport vum *Groupe de Travail Pensions* vum 16te Mee 2018 gouf geschriwwen, datt, fir en Equiliber vun der Pensiounskeess ze erreechen, den Emploi bis 2046 tëscht 2,28% an 2,64% pro Joer misst wuessen. Wat sinn d'Pläng vum Minister, fir och den zukünftege Generatiounen eng Pensioun ze garantéieren, wëssend, datt d'Projektiounen vu *McKinsey* drop hiweisen, datt de Wuesstem vum Emploi bis 2030 net de Seuil vun 2,28% erreeche wäert?



[www.piraten.lu](http://www.piraten.lu)

Mat déiwem Respekt,

A handwritten signature in black ink, consisting of a large, sweeping 'C' followed by a horizontal line and a vertical stroke, resembling the letters 'C' and 'E'.

CLEMENT Sven  
Député



[www.piraten.lu](http://www.piraten.lu)



Dossier suivi par : Nathalie Weber

Tél. (+352) 247-86352

Le Ministre de la Sécurité sociale  
à  
Monsieur le Ministre aux Relations avec le  
Parlement

Luxembourg, le 18 septembre 2020

**Référence :** 833xcd52a

**Objet :** Question parlementaire n°2685 du 19 août 2020 de Monsieur le Député Sven Clement au sujet de la pérennité du système de retraite

Monsieur le Ministre,

J'ai l'honneur de vous faire parvenir en annexe la réponse à la question parlementaire n°2685 du 19 août 2020 de Monsieur le Député Sven Clement au sujet de la pérennité du système de retraite.

Je vous saurais gré de bien vouloir la transmettre à la Chambre des Députés.

Veillez agréer, Monsieur le Ministre, l'assurance de ma considération très distinguée.

Pour le Ministre de la Sécurité sociale

Abílio FERNANDES MORAIS  
Premier Conseiller de Gouvernement

**Annexe(s) :** Réponse à la question parlementaire n°2685





## **Äntwert vum Minister fir sozial Sécherheet op d'parlamentaresch Fro n° 2685 vum honorabelen Deputéierte Sven Clement iwwert d'Perenniteit vum Pensiounssystem**

Den Artikel 238 vum Code vun der sozialer Sécherheet gesäit vir dat d'Generalinspektioun vun der sozialer Sécherheet (IGSS) e technesche Bilan an aktuariel Previsiounen fir all Deckungsperiod (vun 10 Joer) muss maachen. De selwechten Artikel gesäit vir dat d'IGSS zur Métt vun der jeeweileger Period eng Aktualisatioun vum technesche Bilan muss maachen. Dës Aktualisatioun ass 2016 gemaach ginn an de nächste Bilan muss virun 2023, wat den Ufank vun der nächster 10-Joeresperiod ass, gemaach ginn. Déi technesch Detailler stinn am Bilan vun der IGSS deen den 2. Dezember 2016 virgestallt gouf<sup>1</sup>.

Et muss een de nächste Bilan vun der IGSS ofwaarden bevir een sech kann iwwert den zukünftigen Equiliber vun der Pensiounskeess prononcéieren.

Et ass awer ervir zu hiewen, dat d'Pensiounsreform vun 2012 mam Zil gemaach gouf, fir esouwuel déi aktuell Pensiounen ofzesécheren, ewéi déi vun den zukünftigen Generatiounen.

---

<sup>1</sup> [https://gouvernement.lu/fr/actualites/toutes\\_actualites/communiqués/2016/12-decembre/02-bilan-assurance-pension.html](https://gouvernement.lu/fr/actualites/toutes_actualites/communiqués/2016/12-decembre/02-bilan-assurance-pension.html)